



**MAJLIS PERBANDARAN AMPANG JAYA**  
**BAHAGIAN PERHUBUNGAN AWAM DAN SEKRETARIAT**  
MENARA MPAJ, JALAN PANDAN UTAMA,  
PANDAN INDAH, SELANGOR,  
55100 KUALA LUMPUR

**KERATAN AKHBAR**  
**29 NOVEMBER 2017 (RABU)**

**AKHBAR**

**MUKA SURAT**

**Sinar Harian**

- Sembilan warga asing ditahan

19



**MAJLIS PERBANDARAN AMPANG JAYA**  
**BAHAGIAN PERHUBUNGAN AWAM DAN SEKRETARIAT**  
MENARA MPAJ, JALAN PANDAN UTAMA,  
PANDAN INDAH, SELANGOR,  
55100 KUALA LUMPUR

<b>KERATAN AKHBAR</b> <b>29 NOVEMBER 2017 (RABU)</b>	
Akhbar	Sinar Harian
Tajuk Berita	Sembilan warga asing ditahan
Muka Surat	19

SINAR HARIAN • RABU 29 NOVEMBER 2017  
HUBUNGI SKUAD AMPANG / HULU LANGAT: ISMADI ISMAIL - 019 3371003

AMPANG . HULU LANGAT 19

# Sembilan warga asing ditahan

Dipercayai membuka premis perniagaan dengan menggunakan lesen warga tempatan

**PANDAN MEWAH** - Operasi Bersepadu Pembanteraan Warga Asing telah dilaksanakan oleh Majlis Perbandaran Ampang Jaya (MPAJ) dan Jabatan Imigresen Malaysia di Flat Pandan Mewah susulan aduan penduduk berkaitan kebanjiran warga asing di kawasan kediaman mereka, baru-baru ini.

Adun Chempaka, Datuk Iskandar Abdul Samad berkata, pemeriksaan telah dilakukan ke atas 90 warga asing di mana sembilan daripadanya telah ditahan untuk siasatan lanjut.

"Warga asing yang ditahan itu dari Bangladesh, Indonesia dan Myanmar.

"Sebanyak 25 inventori telah dikeluarkan dalam operasi tersebut, manakala sitaan turut dilakukan ke atas basikal roda tiga, khemah dan motosikal serta kereta buruk," katanya.

Menurutnya, operasi berkenaan melibatkan seramai 81 anggota penguat kuasa MPAJ, 21 anggota Jabatan Imigresen dan 21 anggota polis.

"Susulan operasi itu, banyak penambahbaikan dari segi kebersihan telah dilakukan," katanya pada sidang media, di sini semalam.

Beliau berkata, segelintir warga asing yang masih mendiami kawasan flat itu mendakwa mereka masuk secara haram melalui Thailand.

"Seorang warga asing mendakwa dia membayar sebanyak RM6,000 kepada agen untuk membawa dia masuk ke Malaysia dengan menaiki van," katanya.

Dalam pada itu, Iskandar turut menggesa kerajaan persekutuan agar mendaftar atau merekod butiran pelarian di kawasan itu.

"Kami difahamkan ada seramai 1,000 warga Rohingya di sini, mereka tiada sebarang dokumen pengenalan diri, mereka hanya ada kad Suruhanjaya Tinggi Pertubuhan Bangsa-Bangsa Bersatu bagi Pelarian (UNHCR).

"Saya bimbang... sekiranya berlaku jenayah atau perkara yang tidak diingini, kita tidak boleh kesian individu ini, mereka boleh larkan diri dan hilang macam tu saja," katanya.

**INFO** • Basikal roda tiga, khemah, motosikal dan kereta buruk turut disita dalam operasi terbabit



Iskandar (kiri) turut serta dalam Operasi Bersepadu Pembanteraan Warga Asing di Flat Pandan Mewah.

Pada 6 Oktober lalu, Iskandar menyatakan pihaknya telah menerima aduan berkaitan kebanjiran warga asing di kawasan itu.

Penduduk mendakwa warga asing dipercayai membuka premis perniagaan dengan menggunakan lesen warga tempatan.

Mereka turut menjual dan membeli barang lusuh secara terbuka selain menggunakan van tersadai sebagai stor barangan berkenaan.